

Ang Pagbubukas ng Pitong Tatak (hindi anim) ang Tumupad sa Apocalipsis 10

Apocalipsis 8:1,

“At nang buksan niya ang ikapitong tatak, ay nagkaroon ng katahimikan sa langit na may kalahating oras.”

Pakinggan ang sabi ng Propeta:

Simula sa pagbubukas ng **Pitong Tatak**, sa pamamagitan ng mga Anghel na iyon doon sa bundok, **Ito ay naging isa nang ganap na bagong Aklat. Ang mga bagay na datirating lihim ngayon ay inihayag na tulad ng ipinangako ng Diyos sa Apocalipsis 10 na Kaniyang tutuparin. At mapalad tayo sa lahat ng mga tao sa ibabaw ng lupa na tayo ang pinili ng Diyos, upang makita natin at maunawaan ang mga bagay bagay na ito; at hindi ito isa lamang kathang isip, makataong kaisipan na ipinangangalandakan. Ito’y Salita ng Diyos na ipinahayag, pinatutunayan na ito ay tama. Pinatutunayan, hindi ng agham, kundi ng Diyos mismo na Ito ay tama.**

Hindi kailangan ng Diyos ng kung sino man upang magpaliwanag sa Kaniyang Salita. **Siya mismo ang Tagapagpaliwanag.** Kapag sinabi Niya na ito ay mangyayari, tunay ngang ito ay magaganap. Pinagtitibay Niya ang bagay na ito; at ito na ang kapaliwanagan tungkol sa bagay na ito. [1]

At sa pasimula ng **Pitong Tatak**, nung bumaba ang **Pitong Anghel na iyon sa anyo ng pyramid**, samantalang ako ay nakatayo, sinabi nila sa akin na bumalik ako roon **upang ipangaral ang Pitong Tatak na iyon.** Siya ay sasama sa akin. **Ipinakita Niya sa akin kung ano ang mga bagay na iyon, ang mga bagay na nawawala.** Parati kong naiisip noon na ito ay naseselyuhan sa Aklat at ito ay bagay na hindi nakasulat sa Aklat; subalit lumilitaw na ang mga bagay na ito ay nalantad na. **Hindi ito isang bagay na nakasulat sa Aklat... bagkus Ito ay isang bagay na nakatago sa Aklat.** *“At kung ang sinoman ay magalis sa mga salita ng aklat ng hulang ito... “ (Apoc. 22:18-19).* Samakatuwid ang bagay na ito ay isang hiwaga na nakapaloob sa Aklat ng pitong kapanahunan ng iglesia. **Ang bawat isa sa kanila ay nagtataglay ng isang hiwaga, ang lahat ng tungkol sa bautismo sa tubig, at ang iba pang mga bagay na kinatitisan nila sa mahabang panahon.** [2]

Ngunit, pansinin, sa pagbubukas ng **Pitong Tatak**, sa Apocalipsis 10, ang buong Salita ay muling magkakaroon ng ganap na manipestasyon at ibibindika ito ng Espiritu ng Diyos taglay ang buong kapangyarihan nito, kung paanong Ito ay naipamalas nung una

samantalang Ito ay naririto pa sa ibabaw ng lupa, mahahayag ito ng tulad nung una, gaganapin Nito ang bagay na ginawa Nito nung una. Amen. Ang sabi ng *Hebreo 13:8* na si Jesus Cristo ay Siya ring kahapon, at ngayon , oo at magpakailanman. Ang sabi ni Jesus sa *San Lucas 17:30*, “*Sa huling mga araw, gayon din naman ang mangyayari tulad ng naganap sa mga kaarawan ng Sodoma samantalang hinahayag muli ng Anak ng tao ang Kaniyang sarili, gayon din ang magaganap.*” [3]

Binalikan ko ang pangitain tungkol sa Tucson tatlong taon na ang nakalipas. Pinagmasdan kong maigi ang munti kong libro; naroon pa rin ang bagay na iyon. Kinaumagahan mag-iikasampu, nakaupo ako sa aking silid bandang ikasampu ng umaga, **dumating ang Anghel ng Panginoon** at ang sabi Niya, “Magtungo ka sa Tucson. Manatili ka sa dakong northeast ng Tucson at **paroroon ang pitong Anghel na nakapalibot at aniya’y magkakaroon ng pagyanig sa paligid ng dakong kalalagyan mo.**” At ang sabi pa, “Doon ay sasabihin sa iyo ang nararapat mong gawin.”

Ilan sa inyo rito ang nakakaalala tungkol sa bagay na ito, bago pa man ito maganap? May mga kalalakihang nakaupo sa loob ng gusaling ito ngayong gabi na nakasaksi nung mangyari ang bagay na ito, **kung kailan ipinahayag na ang Pitong Tatak na nagtataglay ng natatagong mga hiwaga ng buong Biblia ay mabubunyag at matutupad sa Apocalipsis 10, at ito ay matutupad sa pamamagitan ng Mensahe ng ikapitong anghel. Sa araw na ito ay natupad ang Kasulatan sa inyong harapan. Ngayo’y naganap na ang Kasulatang ito sa inyong mga pakinig.** [4]

Sinabi ng Biblia sa Malakias 4 kung ano ang magaganap sa araw na ito, **Apocalipsis 10, kung paano mabubuksan ang Pitong Tatak at ipapahayag ang lahat ng hiwagang ito na inilihim sa mga repormer.** Sinabi Niya rito kung ano ang magaganap. **Nakasaad ang bagay na ito sa Biblia, ITO ANG SABI NG PANGINOON.** Ganap at sakdal na ipinakilala ng Diyos ang bagay na Ito bilang katotohanan sa pamamagitan ng mga tanda, maging mga kababalaghan sa kalangitan, at lahat na sa loob ng tatlumpong taon. Sa palagay ba ninyo’y pakikingingan nila ang bagay na ito? Hindi, sila’y mga patay na. Inilagak na nila ang kanilang mga sarili sa isang bagay na siyang kumitil sa kabuuan. Hindi, hindi nila magagawang tanggapin, kailanman.

Sa kapanahunang madilim, **ipinangako Niyang ipapahayag Niya—bubuksan ang Pitong Tatak** at ipapamalas ang lahat ng mgabagay na nalampasan ng mga naunang iglesia. **Apocalipsis 10**, at Malakias 4, Lucas 17:30, nangako Siya na tutuparin ang bagay na ito, kaya huwag nating paghaluhaluin ang bagay na ito. Hayaan lamang natin ito na manatili sa ganiyang kalagayan. [5]

Masdan ninyong maigi nung araw na magsimula ang mensaherong ito, hindi nung magsimula siya sa ministeryo, **kundi nung simulan niyang ipangaral ang kaniyang Mensahe. Kita n’yo? Ang Unang Hatak, pagpapagaling; Ikalawang Hatak, pagkilala ng haka ng puso; Ikatlong Hatak, ang pagbubukas ng Salita, ang paghahayag ng mga hiwaga.** Wala nang hihigit pa sa mga propeta sa paghahayag ng Salita (Amos 3:6-7). Tanging sa

pamamagitan lamang ng Salita mabibindika ang isang propeta. **At alalahanin na ang Ikatlong Hatak ay ang pagbubukas ng Pitong Tatak upang ipahayag ang mga natatagong Katotohanan na sinelyuhan sa Salita.** Nakikita ba ninyo ang bagay na ito? [6]

Ano nga ba ang naganap doon sa Mount Sunset? Kinumpirma ng Diyos ang Salita Niya. Iyon ang dahilan ng lahat ng ingay na ito. Pansinin, **muling tinutupad ng Diyos ang ipinangako Niyang Salita, sa Apocalipsis 10:1 hanggang sa 7,** “Sa mga araw ng tinig ng ikapitong anghel, pagka malapit na siya’y humihip, kung magkagayo’y ganap na ang hiwaga ng Diyos.” **Ang nakatagong hiwaga ng Apocalipsis 10:1 hanggang 7, ang huling mensahe sa huling kapanahunan ng iglesia.** Natupad ito ng eksaktung eksakto sa kapanahunang ito, *San Lucas 17:30, “Sa araw na kung kailan ang Anak ng tao ay mahahayag.”*

“Sapagkat may magsisilitaw ng mga bulaang Cristo, at mga bulaang propeta, at mangagpapakita ng mga dakilang tanda at kababalaghan; anopa’t ililigaw, kung maaari pati ng mga hirang.” (Mat. 24:24). Gayonman ay nagaalinlangan pa rin ang mga tao. At, gaya ng dati, sadyang nalilito ang iglesia. [7]

At nung maganap ang bagay na iyan, **binuksan Niya ang Pitong Tatak at ipinahayag ang panggabing Liwanag, tinipon ang lahat ng mga hiwaga na natago sa lahat ng nakalipas na kapanahunan ng mga iglesia at ipinahayag ang lahat ng ito ngayon tulad ng ipinangako Niya Apocalipsis 10:1-7.** Narito tayo ngayon sa araw na ito nakaluklok sa gitna ng Salita, ang Salita na ipinahayag sa atin sa pamamagitan ni Jesus Cristo. Ito na nga ang Salita ng Diyos. [8]

Ang Aklat ng Apocalipsis ay ang huling Aklat ng Biblia. **Ito’y selyado sa mga di-manampalataya.** Sinasabi rito ng Biblia sa ika-22 kabanata, talatang 18-19, *“Kung ang sino-man ay magalis sa mga salita ng aklat ng hulang ito, ay aalisin ng Diyos ang kaniyang bahagi sa Aklat ng Buhay.”* **Napapagtanto natin na ang lahat ng Ito ay ipinagkaloob sa mga mananampalataya.** At ito ang nagbukas sa Aklat g Apocalipsis at ipinahayag nito kung Sino ang May-Akda ng buong Aklat (Siya ang Alpha at Omega, mula sa Genesis hanggang sa Apocalipsis, si Jesus Cristo mula noon hanggang sa ngayon), ipinahayag Niya ang buong hiwaga tungkol sa Sarili Niya at ang mga plano Niya sa mga kapanahunan ng Kaniyang mga iglesia na darating, at ito ay naselyohan sa pamamagitan ng pitong tatak.

Ngayon, ang Aklat ay nasulat, ngunit alalahanin, Ito ay sinelyuhan ng pitong tatak (*Apoc. 5:1-5*). **At ang pitong tatak na ito ay hindi maaaring buksan, Apocalipsis 10, hanggang sa paghihip ng ikapitong anghel na makalupa, Apocalipsis 10:7.** *“At sa mga kaarawan ng paghihip ng Mensahe ng huling anghel, ang ikapitong anghel, ang hiwaga ng Diyos ay ganap na sa kapanahunang iyon.”* **At iyan ang kapanahunang kinabubuhayan natin ngayon.**

Nalalaman nating lahat na tayo ay nabubuhay sa kapanahunan ng Laodicea. **Wala ng iba pang kapanahunan na susunod rito; hindi na ito mangyayari.** Kaya nga tayo ay nabubuhay sa kapanahunan ng Laodicea, at ang pitong tatak na ito na siyang humahawak sa Aklat na iyon na isang hiwaga sa mga tao, ay mabubuksan sa araw na ito. Iyan ang ipinangako Niya. Ngayon, **hindi iyan lalabas sa Salita,** sapagkat hindi ka maaaring magdagdag

o magbawas sa Salita, kailangang manatili ang Salita. **Ngunit ang kapahayagan ang siyang magbubunyag sa Katotohanan ng bagay na Ito, kung ano nga ba Ito**, upang lumapat Ito sa kabuuan ng Kasulatan. Pagkatapos ay ibibindika ng Diyos na ito ang Katotohanan. [9]

Ngayon ang mensaherong ito sa Malakias 4 at Apocalipsis 10:7 ay may dalawang bagay na gagawin. Isa: Ayon sa Malakias 4 ay ipapanumbalik niya ang puso ng mga anak sa mga ama. **Dalawa: Ipapahayag niya ang mga hiwaga ng pitong kulog sa Apocalipsis 10:3-4 na siyang mga hiwaga na nakapaloob sa pitong tatak.** Ang mga ipinahayag na makalangit na ‘mga hiwagang-katotohanan’ na ito ang literal na magpapabalik-loob sa puso ng mga anak patungo sa mga Pentecostal na magulang. Eksaktung eksakto talaga ‘yan. [10]

“... nakita ko ang ibang malakas na anghel na nanaog na mula sa langit Kung minamarkahan ninyo... Buksan natin sa Apocalipsis 10 sandali, upang maunawaan ninyo bago pa man tayo magpakalalim sa bagay na ito. Ngayon, ito ay sa huling panahon, makinig kayo.

“... *nakita ko ang ibang malakas na anghel na nanaog na mula sa langit, na nabibihisan ng isang alapaap; at ang bahaghari... ay nasa kaniyang ulo...*”

Kung papansinin ninyo iyan ay si Cristo, ‘pagkat tinawag Siya sa Lumang Tipan na Anghel ng Tipan, at Siya’y patungo na sa mga Judio, sapagkat tapos na ang panahon ng Iglesia. Kita n’yo? Tama.

“... *at ang kaniyang mukha... ay gaya ng araw, at ang kaniyang mga paa ay gaya ng mga haliging apoy:*”

Naaalala ba ninyo ang Anghel na iyon sa Apocalipsis 1? Iisa lang ‘yan. Ang anghel as isang mensahero, at Siya ay Mensahero sa Israel. Kita n’yo? **Inagaw na ang Iglesia. Kita n’yo? O malapit na siyang agawin. Pumarito Siya sa Kaniyang Iglesia.**

Ngayon, kita n’yo, **ang hiwaga ng pitong-selyadong Aklat na ito ay mahahayag sa paghihip ng mensahe ng anghel sa ikapitong iglesia.** Kita n’yo? Nagsisimula ng humihip ang ikapitong anghel, at nariyan na ang mensaheng ito, at ito ay nasa anyo ng teyp at aklat. Ngayon, sa simula ng paghihip ng mensahe, ang hiwaga ng Diyos ay ganap na sa panahong iyon. **Ngayon, mapapansin natin, ang Aklat ng hiwaga ng Diyos ay mahahayag lamang sa pagtunog ng mensahe ng ikapitong anghel.**

Ngayon, mahalaga ang mga puntong ito sa mga Tatak; tiyak ako sa bagay na ito, ‘pagkat kailangang lumapat ang bawat bagay. Ngayon, mahiwaga ang pagkakasulat nito, sapagkat walang sinoman ang nakakaalam tungkol sa bagay na ito: tanging Diyos lamang, si Jesus Cristo.

Ngunit ito’y isang Aklat, **isang mahiwagang Aklat. Ito’y Aklat ng Katubusan.** At ngayon, nalalaman natin na ang Aklat ng Katubusang ito ay hindi madaling mauunawaan: pinagalaran na ito ng husto sa loob ng anim nakapanahunan ng iglesia, **ngunit sa huling kapanahunan, kapag nagsimula ng magpahayag ang ikapitong anghel tungkol sa mga hiwaga, paghuhugpungin niya ang mga buhaghag na dulo na sinikap pagaralan ng mga lalaking ito at, at mabubunyag na ang mga hiwaga Salita ng Diyos at malalantad ang kabuuan ng kapahayagan ng Diyos.** Kung gayon ang Pagka-Diyos at lahat na ay maisasaayos. **Ang lahat ng mga hiwaga: ang binhi ng serpente at lahat ng iba pa ay mahahayag. [11]**

At ngayon, mapapansinin ninyo na may isang bagay na mali kug saan sa mga iglesia. At **sa aking palagay ang maka-denominasyong mga sistema** ang pumipilipit sa kaisipan ng mga tao at lahat na hanggang sa hindi na nila alam kung ano ang dapat niyang gawin. Tama ‘yan. Ngunit ipinangako sa atin na mahahayag ang bagay na ito.

At ngayon, **ang Pitong Tatak na ito** na siyang sumelyo sa Aklat na ito, ang Pitong Tatak na iyon... **At kapag nakumpleto na ang Pitong Tatak na ito**, masusumpungan natin sa Apocalipsis 10 na mayroong pitong mahiwagang kulog na kung saan isusulat sana ni Juan ngunit **pinagbawalan siyang isulat ang mga bagay na ito. At sa panahon ng pitong kulog, makikita natin na si Cristo, o ang Anghel ay bumaba at may taglay na bahaghari**, at itinungtong ang Kaniyang mga paa sa lupa at sa dagat at sumumpa na wala ng panahon pang nalalabi sa oras na iyon.

At makikita natin na sa panahon ng paghahayag ng mga Tatak ay iniwan ng Kordero ang gampanin Niya bilang Tagapamagitan at lumapit Siya upang angkinin ang Kaniyang karapatan, ang lahat ng tinubos Niya sa pamamagitan ng Kaniyang kamatayan. [12]

Ngayon, ipapamalas Niya sa iglesia ang bagay na tinupad Niya. Kita n’yo? At kukunin Niya ang... Ngunit sarado ang Aklat (**Rev. 5:6-10**). Walang sinoman ang nakakaalam. Nalalaman nila na ito ay **Aklat ng Katubusan**, ngunit ito ay mahahayag sa huling mga araw ayon sa **Apocalipsis 10. Pagkakalooban ang ikapitong anghel ng mensahe**, sapagkat sinasabi rito na sa pagtunog ng ikapitong anghel, **kapag siya ay nagsimula na, ang lahat ng mga hiwaga ng Diyos ay matatapos na sa pamamagitan ng pangangaral niya. At kapag ito’y nahayag na, mananaog ang Anghel mula sa langit, si Cristo (Ngayon, alalahanin, ang anghel na ito ay nasa lupa, isa siyang mensahero). Itinungtong Niya ang isa Niyang paa sa lupa at ang isa naman ay sa dagat, mayroong bahaghari sa Kaniyang ulunan, ang mga mata Niya at paa ay tila apoy at lahat na, itinaas ang Kaniyang kamay at nanumpa sa pamamagitan Niya na nabubuhay magpakailanman at ngayon ay nasa luklukan, na ang panahon ay hindi na magluluwat.**

At nung Siya ay nanumpa, **pitong kulog ang umugong**, at ang manunulat... (*Apoc. 10:1-4*). Nung si Juan ay iangat, isusulat sana niya ang nakita niya. Nagsimula na siyang mag-sulat. Ang sabi Niya, “Huwag mong isulat ang bagay na ito, sapagkat... huwag mong isulat ang bagay na iyan. Isa iyang...” ang sabi Niya, “Tatakan mo ang bagay na iyan.” Ano ito? “Tatakan mo; huwag mong saysayin ang bagay na ito.” Kita n’yo? **Kailangan itong mahayag, subalit hindi nakasulat ang bagay na ito sa Salita. Ngunit nung simulan na Niyang buksan ang mga Tatak, nakita natin na silang lahat ay nagtataka.** [13]

Ngayon, natuklasan natin dito **na nabuksan din ngayon ang ika-Anim na Tatak** (*Apoc. 6:12-17*), **mayroon itong tatlong luping layunin**. Ngayon, narito ang mga layunin: **Ang unang bagay nalaman natin na ang mga natutulog na birhen ay mabubunsod sa panahon ng kahirapan sa kanilang puripikasyon. Kailangan siyang linisin dahil sa kaniyang kasalanan na di-pananampalataya at dahil sa pagtanggi niya sa mensahe.** Matutupad ang bagay na ito sa panahon ng kahirapan. Matatagpuan natin sila sa Apocalipsis 7:13-17, sa pagitan ng ika-6 at ika-7 kabanata, na siya ay nilinis at pinagkalooban ng kasuutan.

Ngayon, hindi Siya ang Nobya, bagkus ito ay ang iglesia, ang mga taong banal subalit hindi sila nagkaroon ng pagkakataon, marahil, upang tanggapin ang mensahe, o dili kaya'y binulag sila ng mga bulaang propeta, at hindi sila nagkaroon ng pagkakataon, ngunit sila'y tunay na may katapatan sa kanilang mga puso, at nalalaman ng Diyos ang kanilang mga puso, at dadalisayin sila sa panahong ito.

May isa pang pagdadalisay na magaganap; iyan ay sa Israel sa panahong titipunin na siya. Iyan ang ikalawang lupi. Dadalisayin ng Diyos ang Israel sa panahon ng kahirapan. Mula sa milyun milyong titipunin, mayroon lamang isandaan at apatnapu't apat na libo, sila din naman ay dadalisayin. Dadalisayin ng Diyos ang Israel (Rev. 7:1-8).

Ngayon, may isang mundo na dadalisayin. Maging ang buwan, mga bituin, at ang buong kalikasan ay dadalisayin. Nakikita ba ninyo kung ano ito? **Binabago ng lupa ang sarili nito, dinadalisa ito upang ihanda sa milenyum.** Darating ang milenyum. At kita n'yo, anomang bagay na may taglay na karumihan ay dadalisayin sa panahon ng Ika-anim na Tatak.

Ngayon, ngayon, napansin ba ninyo sa pagbubukas ng **Ikapitong Tatak**, ito'y nasa tatlong-luping hiwaga rin. Ang isang ito—nangusap na ako tungkol sa bagay na iyan, na ito ay ang hiwaga ng pitong kulog. Ang pitong kulog sa langit ang magbubunyag ng hiwaga ito. Ito'y sa pagparito ni Cristo, sapagkat ang sabi ni Cristo walang nakakaalam kung kailan Siya darating (*Mat. 24:36-42*).

Napansin ba ninyo nung tanungin Siya ng mga Judio tungkol sa bagay na ito? Alam ba ninyo na kapag inihambing natin ang Kasulatan dito sa Mateo 24 sa anim na Tatak (*Mat. 24:4-31*), **naiwan ang Ikapitong Tatak**; sapagkat (Kita n'yo?), sapagkat ang sabi ni Cristo tanging ang Diyos lamang ang nakakaalam, hindi ito nalalaman maging ng mga Anghel. Hindi nakapagtataka kung bakit hindi nakasulat ang bagay na ito. Kita n'yo, nanahimik sila; walang anomang bagay na naganap. **Hindi ito nalalaman ng mga Anghel; walang sinoman ang nakakaalam kung kailan Siya darating. May pitong tinig ang mga kulog na ito na maghayag ng dakilang kapahayagan sa panahong ito.**

Kaya naniniwala ako, sa atin na... Kung hindi man natin nalalaman ang bagay na ito, dahil sa panahong iyon lamang ito mabubunyag, **ngunit mahahayag ito sa oras na iyon kung kailan nararapat itong mabunyag. Kaya nga ang nararapat nating gawin ay maging mapitagan sa harap ng Diyos at paglingkuran natin Siya, at gawin natin ang lahat magagawa natin, at ipamuhay natin ang buhay ng isang mabuting Cristiano.**

Nasumpungan natin dito na nabuksan sa atin ang Ika-anim na Tatak; nakikita natin ang bagay na ito, at **nalalaman natin na ang Ikapitong Tatak na ito ay hindi mabubuksan sa publiko hanggat hindi dumarating ang oras na iyan.**

Ngayon, may isang dahilan kung bakit pinahintulutan ng Diyos ang pitong tinig na ito na tumunog, dahil kailangan itong dumating, upang... **Nalaman natin na kinuha ni Cristo, ang Kordero ang Aklat sa Kaniyang kamay, at binuksan Niya ang Ikapitong Tatak. Ngunit kita n'yo, ito'y natatagong hiwaga. Walang sinoman ang nakakaalam sa bagay na ito. Subalit nakapaloob ito mismo sa sinasabi Niya: walang sinoman ang nakakaalam sa pagparito Niya; hindi rin nila malalaman ang tungkol sa hiwaga ng pitong kulog. Kaya kita n'yo, konektado ang mga bagay na ito sa isa't isa.**

Bahagi pa lamang ang nauunawaan natin sa araw na ito, **sapagkat ang lahat ng iba pa**

tungkol sa bagay na iyan ay nabunyag na, ngunit ang bagay na ito ay hindi pa nabunyag. Ngunit nung nakaupo ako sa aking silid, at mayroon akong narinig—o hindi ko pala narinig, **bagkus ay nasaksihan ko na nalantad ang bagay na ito rito sa pitong kulog.** Ngayon, iyan ay hanggang sa punto lamang na maaabot natin. At ngayon. At ngayon, **nagtitiwala ako na ang bawat isa sa inyo ay maglilingkod sa Diyos, at gagawin kung ano ang tama, at iibigin ninyo Siya at paglilingkuran sa buong buhay ninyo, at ang Diyos na ang bahala sa lahat ng iba pa.**

Ngayon, narito na sa atin ngayon ang kaganapan, sa biyaya ng Diyos, ng lahat ng hiwaga sa anim na Tatak na malaon ng selyado, at nauunawaan at **nalalaman natin na ang kapitong Tatak ay hindi ukol na malaman ng publiko.**

Ngayon, ang Kaniyang pagdating, ang oras ng Kaniyang pagparito, at ang pagkawasak ng mundo... Alam ninyo, ang sabi Niya, “Ano ba ang tanda ng pagdating ng pagkawasak ng sanlibutan?” Sa Mateo 24, itinanong nila sa Kaniya ang bagay na ito, tinugon Niya ang tanong na ito. Sinaysay Niya ang tungkol sa Israel bilang isang bayan na titipunin sa ika-31 talata ng Mateo 24:31. Ngunit sinimulan Niya sa pamamagitan ng mga talinghaga. Kita n’yo? Diyan ay makikita ninyo, **“Pagaralan ninyo ang talinghaga tungkol sa puno ng igos.** Kapag nananariwa ang kaniyang sanga, at sumusupling ang mga dahon, ay nalalaman ninyo na malapit na ang tagaraw.” At pagkatapos, “Pagka nangakita ninyo ang lahat ng mga bagay na ito, ay talastasin ninyo na siya’y malapit na.”

Nakikita natin ang Israel na natitipon na sa sarili nitong lupain. Ngunit pansinin ninyo, inalis Niya ang kapahayagan tungkol sa Ikapitong Tatak na ito. At ang Ikapitong Tatak, nung buksan Niya ito, ay muli na naman Niyang inalis. Kita n’yo? Kaya nga nakikita natin na ito ay kumpletong hiwaga, samakatuwid, hindi pa oras upang mahayag ang hiwagang ito, kaya nga, umabot na tayo rito at ang lahat ng iba pa ay mahahayag bago maganap ang muling pagpapakita ni Jesus sa lupa para sa Kaniyang Nobya, o kung anoman ang magaganap sa panahong iyon.

Isang bagay pa, nais kung mapansin ninyo kung ano ang naganap, At kung pinakikinggan ninyo ang teyp tungkol sa “Anong Oras Na Ba, Ginoo?” mapapansin ninyo na **lubhang pamilyar sa akin yung isang Anghel. Yung iba ay ordinaryo lamang sa tingin ko; ngunit ang Anghel na ito ay lubha siyang kapansin pansin.** Nasa gawing kaliwa ko Siya sa konstelasyon na nasa hugis pyramid. At naaalala ninyo, **hugis pyramid din ang pinagsulatan ng mahiwagang uting bato, ang hiwaga ng Diyos ay sa kanila lamang hayag.** At ngayon, **sila sampu ng mga mensahero na dumating upang ipaliwanag ang pyramid na iyon o ang mensaheng iyon tungkol sa Pitong Tatak na nakapaloob sa pyramid.**

Ngayon, nasa gawing kaliwa ko ang Anghel, ito na ang huli, o ang ikapitong Anghel, kung bibilangin natin sila mula sa kaliwa patungo sa kanan, sapagkat nasa gawing kaliwa ko siya, nakaharap ako sa kanluran, siya naman ay galing sa silangan, kaya nga ito ang mensahe ng huling anghel: kapansin pansin siya. Naaalala ba ninyo nung banggitin ko na tila baga nakatalikod siya, at ikinampay niya ang mal **Ngayon, iyan ang Ikapitong Tatak na ito.** alakas niyang mga bagwis, at lumapag siya malapit sa akin. Ngayon, iyan ang Ikapitong Tatak na ito. Kapansin pansin din ang bagay na ito. At tayo ay... **Hindi pa natin nalalaman ang bagay na**

ito, sapagkat hindi pa pinahihintulot na ito ay mabuksan. [14]

May isang bagay pa na nais kong sabihin. Makinig kayong maigi, **huwag ninyong palampasin ito**. Napakahalaga nito. **Mula sa Mensahe ng ikapitong anghel (ang mensahe-ro ng ikapitong Tatak at ang Apocalipsis 10 ay ang Ikapitong Tatak)** hanggang sa Pitong Pakakak, sa pagitan ng dalawang panahon na ito... [15]

Ngayon, ang propesiyang ito, buweno, katulad ng lahat ng iba pang propesiya, ay maraming kahulugan. **Magkaminsan ang isang propesiya ay may natural na kahulugan. At mayroon ding espirituwal na kahulugan.** [16] **Alalahanin n'yo, ang lahat ng propesiya ay maraming kahulugan.** [17] **At ang kasaysayan ay nauulit din, at ang Kasulatan ay may higit sa isang pakahulugan tungkol Rito at gayon din ang kapahayagan.** [4]

Ngayon, mas maiging huminto na ako sa bahaging ito. Kita n'yo? Nararamdaman ko na may pumipigil sa akin na magsalita pa ng higit tungkol sa bagay na ito. Kita n'yo? Kaya alalahanin n'yo, **ang Ikapitong Tatak**, ang dahilan kung bakit hindi ito binuksan, ang dahilan kung bakit hindi Nito ito ipinahayag, dahil walang sinoman ang dapat na makaaalam tungkol sa bagay na ito. At nais kong malaman ninyo na bago ko pa man malaman ang tungkol sa bagay na ito, may dumating na pangitain sa akin taon na ang nakalipas. Naaalala ba ninyo ang bagay na iyan? At narito katulad din ng iba pa—lumalapat ng eksaktung eksakto ang bagay na ito sa Salita. At nalalaman ng Diyos ang aking puso; hindi ko kailanman naisip ang bagay na tulad niyan, at heto na nga. **Higit na malapit ito kaysa sa iniisip natin.**

Ay naku. Napapagtibay lamang na ito'y mula sa Diyos, dahil, lapat na lapat ito sa mga pangako ng Diyos ayon sa mensahe.

Pansinin ninyo. Pansinin n'yo ngayon, sa pamamagitan ng mensaheng ito sa huling kapanahunan... **Ipinahayag Niya ang lahat ng anim na Tatak, ngunit wala itong sinabi tungkol sa ikapito.** At ang Tatak ukol sa huling kapanahunan, kapag ito'y nagpasimula, ito'y sadyang lihim ayon sa Biblia. Bago pa man mabunyag ang bagay na ito... At alalahanin, sa Apocalipsis kabanatang 10:1-7 **sa huling bahagi ng mensahe ng ikapitong anghel, ang lahat ng mga hiwaga ng Diyos ay mahahayag. Tyo'y nasa huling kapanahunan na, ang pagbubukas ng Ikapitong Tatak.** [14]

Reference:

- [1] "God's Power To Transform" (65-0911), par. 77
- [2] "Spiritual Food in Due Season" (65-0718E), par. 83
- [3] "Seed Is Not Heir With The Shuck" (65-0218), par. 101
- [4] "This Day This Scripture Is Fulfilled" (65-0219), pg. 22/9
- [5] "Trying To Do God A Service" (65-0718M), par. 147/178
- [6] "Anointed Ones At The End Time" (65-0725M), par. 130/261-262
- [7] "What Is The Attration on the Mountain?" (65-0725E), par. 146-149
- [8] "Christ Is Revealed In His Own Word" (65-0822M), par. 162
- [9] "The Rapture" (65-1204), par. 74-76
- [10] "Laodicean Church Age", CAB-pg. 327
- [11] "The Breach", Seal's-Book pg. 72-74
- [12] "The Fourth Seal", Seal's Book pg. 283
- [13] "The Third Seal", Seal's-Book pg. 235
- [14] "The Seventh Seal", Seal's Book pg. 574-578/564
- [15] "Feast of the Trumpets" (64-0719M), pg. 39
- [16] "Palmerworm, Cankerworm, Caterpillar, Locust" (53-0612), par. E-37
- [17] "Scriptural Signs of the Time" (64-0410), par. E-28 [15] "Feast of the Trumpets" (64-0719M), pg. 39
- [16] "Palmerworm, Cankerworm, Caterpillar, Locust" (53-0612), par. E-37
- [17] "Scriptural Signs of the Time" (64-0410), par. E-28

Spiritual Building-Stone No. 178 from the Revealed Word of this hour, compiled by:
Gerd Rodewald, Friedenstr. 69, D-75328 Schömburg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]